

麻城縣志卷之三

知縣事漢上屈振竒纂修

民物志

戶口

洪武二十四年冊定人戶一萬五千八百零九戶男子
子婦女一十萬五千一百一十零二口

永樂十年冊定人戶一萬五千八百零十戶男子婦
女一十萬四千一百八十口

麻城縣志

卷之三

一

弘治五年冊定人戶一萬二千四百二十三戶男子
婦女一十二萬四百九十三口

弘治十年冊定人戶一萬三千四百六十八戶男子
婦女一十三萬七千九百三十六口

正德七年冊定人戶一萬三千五百五十戶男子婦
女一十四萬五千零九十五口

嘉靖三十五年冊定人戶一萬九千三百八十戶男
子婦女一十四萬八千二百四十口凡民戶九千

一百六十四軍戶五千一百三十四貼軍戶四千
五百五十四校尉力士戶三十三水馬驛跼紅船
戶三百二十三舖兵戶五捕戶一僧戶一各色人
匠戶二百二十三

萬曆四十七年冊定人丁壹萬陸百零伍丁

崇禎時冊定亦如之

風俗

湖廣總志家誦詩書士尚名檢工詞翰善嘯獎後進

麻城縣志

卷之三

二

達則爭相朋植民習勤苦通技藝輕遠遊南窮炎

嶠北盡霜盧徃徃以筋骨起家

隋志俗尚淳質好儉約

蘇軾跋韓魏公詩山水清遠土風厚善其民寡求而
不孚其士靜而文樸而不陋尊德樂道獨異於他
邦

宋關 神光觀記甿俗富庶秀民樂於爲儒而不輕
釋其業彬彬喜學有鄒魯之遺

許天瑞靈堂記山靈川媚常生大賢爲家國瑞慶
蘇軾方山子傳光黃間多異人

趙伋陳慥墓誌風俗稱有禮義子弟知有孝友

宋秦觀謝表風氣平和嶽訟稀少

舊志艸農力稼穡士習詩書冠婚喪祭多用家禮此
其近淳古者然尚氣喜鬪健訟惑風水溺佛老崇
淫祀此其所宜變者

歲時競尚正月元旦祝神祀先拜賀尊長師友出方
麻城縣志

卷之三

三

迎喜神宗黨戚屬交拜賀設醮立春日迎春鞭上
牛飲春酒

上元夜遊張燈放烟火扮故事前後凡三日

二月二日種藝社日祀光農作社會分社胙有同井
親睦遺意秋社如之

三月三日醮真武寒食架鞦韆清明祭奠簪柳踏青
家釀酒

四月八日浴佛造青精飯供佛俗呼烏飯

五月五日人受職業者俱乞股名曰放假簪艾採藥
包角黍汎菖蒲雄黃酒懸天師像及符塗雄黃於
小兒眉心耳輪云祓不祥競龍舟以紙造船盛鼓
樂送於河名送疫則在十八日

六月六日曝衣書籍造麵蘖

七月七日拜牛女乞巧十五日記先懸麻穀放假

八月中秋夜看月列瓜菓家以月餅相饋遺

九月九日登高飲茱萸酒採菊兼釀醞

麻城縣志

卷之三

四

十月朔官舉行鄉飲酒禮民祭墓

十一月冬至賀冬

十二月八日以六穀米雜諸果薑鹽作粥供佛老少
食之俗呼臘八粥二十四日夜俗呼小年夜掃舍
祀竈迎祖先祀之親朋聚飲謂之團年除日貼門
神楮錢春帖夕爆竹藉松葉瓶梅柏家人團圓謂
之守歲

舊志風俗東北之民朴而足中土之民秀而達南土

之民巧而遊西土之民狡而貧

故老相傳風俗謠云東鄉田莊西鄉文章南鄉經商

北鄉酒漿童謠云水打蔡家園麻城中狀元

耕種鮮佃民大戶多用價買僕以事耕種長子孫則

曰世僕

歲儉民多携家入山谷掘蕨根瀘粉煮食之多有

物產

廣輿記麻城龜峯山產白艾

麻城縣志

卷之三

五

文獻通考黃州宋屬淮西路領黃岡黃陂麻城三縣

產紵布連翹

物產工作之屬曰 棉線 棉布 紋布 棉花

繭絲 土紬 絹 蔴苧 葛 石灰 甄瓦

瓦器 竹器 楮皮紙 油紙傘 油紙扇 竹

箸 茶 漆 蜂蜜 白蠟 蜜蠟 蔴油 菜

油 棉油 柏油 桐油 草履 麥笠 簞翡

翠毛 黃鼠皮 虎皮 鹿皮 櫛皮 罽網

羽之屬曰 鶩 鴨 鷓 野鴨 野鷄 雁 翡翠 鷺 鴛鴦 黃鸝 布穀 喚起 鳩 鴿 麻雀 喜鵲 烏鴉 鸛 淘河 澤鹿 鷓鴣 蒿雀 鷓鴣 綠衣雀 朱雀 銅嘴 鐵嘴 鐵脚叫苦 鷓鴣 杜鵑 燕鳩 油葫蘆 黃婆 水鴉鵲 竹鷄 秧鷄 鷹 鷓 鷓鴣 鶉鴉 鶉鴉 鶉鴉 沙鶉 野鳳凰 麥枯 地鷄 百舌 畫眉 啄木 鷓 鷓

麻城縣志

卷之三

水族鱗介之屬曰 龍 蛟 蛇 蜥蜴 油蠟 蝸生 龜 鼈 鰕 蚌 蛉 螺 蝦 蟆 鯉 鱣 鱖 鰱 鮎 鱖 金錢蟹 藥草之屬曰 白艾 茯苓 黃精 天門冬 百合 蒼木 桔梗 香附 梔子 蛇床 豨薟 益母 地骨皮 五加皮 牽牛 薄荷 荊芥 皂角 女貞子 桑葚 桑寄生 天南星 薯蕷 甘菊 香薷 白芨 茱萸 瞿麥 芫花

大戟 葳靈仙 烏頭 何首烏 山查 金櫨
桃仁 杏仁 蜂房 蟬蛻 松香 槐角 桃
鳧 茴香 金銀花 菊花 苦參 黃蘗 蒲
公英 淡竹葉 射干 旱蓮 黃蘗 排風籐
扛板歸 葛花 兔絲

木之屬曰 柏 松 檜 杉 槐 柳 楊 楓
椿 桑 □ 柞 檀 朴 梓 桐 櫛 泡
桐 梧 桃 李 杏 銀杏 梅 棗 栗

麻城縣志

卷之三

八

橡 柿 柏 榆 苦練 皂角 夜合 絲綿
楸 水冬瓜 石楠 冬青 蠟樹 楮 棠梨
黃楊 梵香樹

果蔬雜植之屬曰 栗子 柿子 棗子 桃子
杏子 李子 柰子 梅子 胡桃 銀杏 枇
杷果 石榴 柑子 橘子 橙子 香櫞 木
瓜 梧桐子 沙菓 □李 櫻桃 羊桃 葡
萄 蓮子 西瓜 南瓜 王瓜 番瓜 冬瓜

絲瓜 蛾眉豆 刀豆 葫蘆 瓠 菱芡 藕
荸薺 茵 薏苡 香薷 茨菰 水棉 櫻
欄 麻苧 葛藤 薜荔 草胭脂 紫果 水
葱

花卉之屬曰 桂 木蘭 梨 李 桃 梅 杏

槿 各色 榴 各色 海棠 各色 梔子 各色 紫

荊 各色 紫荊 合歡 蠟梅 辛夷 杜鵑

躑躅 瑞香 玉簪 蓮草 凌霄 薔薇 各色

麻城縣志 卷之三 九

芍藥 各色 木香 各色 迎春 欵冬 金爵

金鳳 纏枝牡丹 各色 金絲桃 夾竹桃 三

春柳 蘭 芙蓉 玫瑰 蓮 鹿葱 水仙

雞冠 蝴蝶 菊 各色 葵 各色 虞美人 嬰

粟 荼蘼 鵲不踏 葶藶 山丹 番蓮 金

錢 洛陽錦 錦帶 水紅 水桂 六月菊

秋每棠 棠棣 籜藤 天竹 雪毬

屬 □ 笙竹 木竹 慈竹 猫竹 紫竹

竹 鳳尾竹 瀟湘竹 簌箭竹 黃茅 白
茅 包茅 蒲茭 荻莎 蘭蓀 菖蒲 白蒿
芭蕉 吉祥 虎耳 澤蘭 萬年青 萬年松
白頭翁 蓼 紫背天葵 浮萍 風藥 莛
翠雲 破銅錢 五龍瓜

災異

吳永安二年赤鳥見

梁武帝天監二年大水

麻城縣志

卷之三

十

宋淳熙七年大水

建隆四年九月芝艸生縣堂柱上刺史取以上

宋皇慶元年八月天雨毛

元大德十年大饑先是二年夏大旱秋大水七年正

月大水十一年大疫

至元十一年大旱人相食

明洪武四年十月大霧雨雪黑色艸木竹柏皆枯十
年正月夜雨水黑如墨汁

宣德元年自正月不雨至六月二年大雨水三年六月隕霜殺稼

正統十四年大旱

成化九年大水十一年十二年縣多火災民皆荷擔而立

弘治元年大旱疫

正德二年六月六日大水衝射圍號房漂民居屋八年訛言鬼兵至百姓撒灰擊鐵自衛閱月餘十年

麻城縣志

卷之三

十一

十二月熊飛過縣治至北郊獲之

嘉靖二年虎食人八月無雲雨三閱月五年西街宋氏生子二首四臂四足十年蝗自新鄴來十三年菜花不實悉生人物禽蟲龍鳳之狀二十七年夏縣東燈場灣白兔見香草園白兔再見城西七里岡鄭氏豕下三豕一人首牛項肉角一猿首二十年五月三日大霾黃霧七日三十三年大旱冬大疫

□□七年旱疫人民災傷大半三十六年大水水
沒雉堞城中危急忽龍池岸裂斷洩水城乃全有
見神人立雲中以棒斷岸者以爲土主神助云四
十四年八月飛蝗蔽日四十六年七月十五日有
火毬自北而南經白田畝著草樹卽然不知其處
箕星見東方尾長亘天

天啓元年冬大雨雪凡三月

崇禎元年大水二年大旱八年蝨十三年十四年旱

麻城縣志

卷之三

十二

蝗寇疫洊臻米價騰湧饑人相食

國朝順治九年旱荒斗米銀五錢地方奏報災傷奉
詔蠲免秋糧十分之三順治十八年旱康熙六年蝨

蠲糧亦如之

康熙七年五月十七夜暴雨東河起龍水繞朝聖門
衝圮城牆二十餘丈振奇卽捐俸修築堅好

變亂

春秋桓公八年楚子合諸侯于沈鹿黃隨不會使□

章讓黃莊公十九年伐黃敗黃師于碛陵僖公十二年楚滅黃

元和志春秋吳楚戰于柏舉郟麻城之龜峰山

魏文帝黃初中吳楊嚴欲獵江北豫州刺史滿寵度
□襲西陽爲之備孫權聞之乃退

晉永嘉元年西陽蠻寇江夏太守楊珉與諸將議方
畧騎督朱伺獨不言珉問將軍何以獨不言伺曰
諸人以舌擊賊伺唯以力耳

麻城縣志

卷之三

十三

宋元嘉二十九年西陽蠻反遺沈慶之討之三十年
遣武陵王駿統諸軍討西陽蠻

周史寧爲東義州刺史與東魏胡黎苟戰破之隋伐
陳屯兵於岐亭

後五代周敗吳人于麻城

宋嘉定十二年金兵侵麻城五關知黃州孟珙率兵
禦之十四年金奪宋黃土關入梅林關拔麻城淳
祐六年元萬戶史權攻宋虎頭關寨拔之

元順帝至正十二年羅田徐壽輝麻城鄒□勝等以妖術聚衆反紅巾爲號

明弘治八年固始董宦盤據山谷僭稱王寇麻城正德四年仙姑洞賊大肆焚擄五月劉六劉七趙風子取道麻城至團風奪舟入江殺戮甚衆

嘉靖三年岐亭胡廷鳳逃居西山每秋來寇丙戌提學副使許宗魯遇於岐亭撫諭之乃退遂城岐亭立捕盜通判署並鐵壁關巡檢司

麻城縣志

卷之三

十四

崇禎庚午辛未間邑譎言有旨贖僕一夜於教場內驀樹紅旗書萬人一心下懸倭刀并叛主榜文時知縣蔣煜出示畧云僕之叛主猶子之逆父臣之背君必殺毋赦至若聖旨何人敢出諸懷中藏之袖裏僞造詐傳罪尤加等如不速悛將倡亂之人立刻處死悔禍安分則概宥不論示懸各門衆遂先然

崇禎七年甲戌流賊始渡河寇江北地方乙亥春二

□□麻城雷馬二將官迎戰於陰山歿死之自是
□分枝蹂躪往來如織然未嘗攻城止肆野掠房
屋盡毀人民殺擄無筭各鄉依山結砦保聚官兵
坐視不援凡賊魁謂之掌盤子餘以綽號行曰紫
薇星老回回闖塌天射塌天老曹操過天星一隻
虎隔簾燕掃地王闖王闖將一斗粟混世王八大
王

崇禎八年夏援勦將官鄧杞至麻城紀律嚴明後爲
麻城縣志

卷之三

十五

部下兵所殺時論惜之十四年副總兵官王允成
劉良佐等駐麻城九月左良玉等駐麻城

崇禎十六年癸未闖賊至麻城西去里民明承祖及
僕輩洪樓先等結聚里仁直道二會活埋殺所讐
倡亂各鄉砦鳩衆圍城討亂會衆使湯九至潛山
縣地方迎八賊張獻忠於四月初六日入城會衆
奉以爲主遂改邑爲常順州旋渡江攻陷省城安
立僞官獨朱山砦不降時周文江被陷暗通鳳陽

總督馬士英內應反正爰受武銜甲中乙酉間文江復於黃蘗山共擁張舊樞旋敗邑復有五腦山之公會時知縣陸晉錫拱聽而已僑居朱山邑內大亂

國朝順治五年江西金聲桓據省城反風聞江北周承謨等因從北鄉倡亂連延東南山以及英霍山谷揭竿嘯聚知縣徐鼎請兵討平之

順治八年辛卯邑復有譎言旨贖僕如前時梅鈿家麻城縣志

卷之三

十七

僕方繼華等斂金囑蠹借廢宦包占丁糧呈控撫院批行復串黨條列主僕九款知縣徐鼎爲蠹所誤榜揭三日凡邑中臧獲挾退殆盡遂成大變邑人周損密揭羅總督行牌體察諸生王元凱鄒惺梅鈿田奕埏等赴省懇變會審讞明麻城丁糧花由糧從田攤丁隨糧派向無包免將方繼華等七人按律正法餘黨復亂殺絕家長王士杰一家五命衆逼城下時直指入境檄巡道提兵靖亂疏入

徐令以是去任爰頒行

本朝律例奴僕有勅賜陣獲家生價買四項而邑之主

僕遂定

壬辰癸巳間東山李有實等復倡亂迨知縣王潞蒞
任招安解赴內院洪標下效用復入荆西山圖功
自贖被殺膺卹典復有李集桂熊東泉等之亂皆
知縣王潞勦平之